

无上黃錄大齋立成儀卷之二十六 竹六

太上執法仙士蔣叔典修

科儀門

召靈儀先備香花果一雙於鬼門上以召魂攝置於案前請諸官上香  
道東序立  
奉香啟頌

法師上香告白

具法位臣某焚香上奏

三清三境十極十華大道慈尊諸天大聖日  
官月府北斗南辰五星三台地水獄瀆十方  
三界應感真靈伏此具香香同供養

香乃玉華散景九蒸凝烟香雲密羅徑衝九天當願侍香金童傳言玉女上聞帝前令臣所啓咸賜如言臣今伏為齋主某正屬亡親某乙音屬衆魂崇建无上黃錄大齋三日三夜除已贖詞帝闕請命師專奏告十方關盟三界見今齋壇宿啓勝氣宣流仰望慈悲俯垂開濟持願敕命普告靈司召攝亡魂來臨法會領諸善果起化生方臣謹恭慮冥心仰祈真應  
法師存變步神虎咒召神  
謹召北魁玄範府神虎提魂攝魄倒生玄司

玉女等雄左玉曹玄伯雌右武鸞主吏上部  
追魂使者中部追魂使者下部追魂使者曹  
輔助精大神七道功曹呼吸魂魄精光吏兵  
等社令城隍五道土地導善衆神仰聞令召  
火急到來本壇奉齋主某官某開建黃錄

大齋正屬亡親某乙音屬解除業累超證生方除  
已奏告諸天關盟十極欲得所屬亡靈親魂  
正魄來詣壇所祇受齋功於今月某日時告  
行太一混元神虎玉札一道前去生方死所  
預行追攝外以令恭遵玉格修奉寶齋合要

上件亡魂前赴靈壇依科開度伏請神虎二  
大聖三部追魂使者七玉女等火急徧詣三  
界十方千萬萬靈效職之所追取某魂攝赴  
靈播之上參真聽法受化更生無或稽違有  
妨開度如音屬於此  
靈單名甲仗

焚召魂大將軍符

師密咒曰

靈寶符命我度亡過某等出離地獄永辭長  
夜五苦三塗不得拘留過合鬼群斷落死名  
急急如長生大帝律令

再祝曰

吾代天行化度死濟生藉汝靈通輔吾正法  
所是亡魂等或在人天或墮鬼趣或拘考對  
或繫幽陰並請依準

上玄符命玉札天文追取魂神疾速赴壇昭  
顯儀形通接陽春用揚大教取信群生一準  
玄科玉律奉行不得違滯

吹令純陽小童執幡  
當職道士攝召如儀

焚二大聖符師默祝曰

雖左玉曹玄伯雌右武鸞主吏我今攝召亡  
過某乙等魂速赴靈播不得稽延何昌喬前  
輔我身神我今所下急速奉行急急

攝召時法師變身為太一天尊自本師訣  
歷至二百甲下歸上帝訣拍入亡人本命  
上取鬼門炁吹攝

志心告召三元直事神虎將軍攝魄官君追  
魂使者伏願應時下降速到齋壇引領亡魂  
分明報應  
志心召請亡過某乙靈魂惟願神魂不昧儼

若生存今夜今時來臨法會受此黃籙開度功德

歌斗章

陰陽推運兮劫數更遷生死周流兮孰愚孰賢輪轉無窮兮上元造化未出三界兮拘於神變魁魁東斗兮懸懸西轉魁魁南斗兮懸懸北面陰靈兮茫茫沒沒陽魂兮碌碌幽幽天地冥兮萬鬼潛天地動兮萬鬼集陰陽運兮鬼神享太一召兮何遲遲先至後至律有常感此彷徨赴我壇賜汝靈書歸上清

法師拍榻魂訣密呪曰此見傳用

與生 獨隸 可韓 功都 聚魂 對魂攝

再祝曰

魂神澄正 萬派長存 不經苦惱 身有光明 復聚本形 復全本神 急急如

長生大帝律令三篇取北炁火 摺上 替日存利

法師平讀呪曰

胎光 幽精 爽靈 三魂 歸空歸真 天地正真炁 再聚汝形神 此是五行造化真 無藏無避無逃形

一呼速至變真靈 急急如律令

當職道士再召

志心告召三元直事神虎將軍攝魄官君追魂使者伏願應時下降速到齋壇引領亡魂和分明報應

志心召請亡過某乙靈魂惟願神魂不昧儼若生存今夜今時來臨法會受此黃籙開度功德

歌斗章

陽神返汝殘 陰靈逐我播 北斗天蓬救玄武開幽關 三魂無散失 七魄莫傾殘 乘此金符力 攝汝赴靈壇 願承無上道 賜汝歸飛昇

法師默誦五帝真諱呪曰

襪履 墨黑 靈寶 紅杏 磨真 急急如 長生大帝勅奉行取五炁 炁火之

再默誦度魂真諱呪曰

與生 獨隸 可韓 功都 聚魂 對魂攝 急急如長生大帝勅奉行取三炁 炁火之

法師平讀曰

一炁生萬物 萬物分一炁 吾復統一炁 再使萬物生 故知一炁中 不復失吾意 攝召汝亡靈 諦聽慈悲旨

次當職道士三召

志心告召三元直事神虎將軍攝魄官君追魂使者伏願應時下降速到齋壇引領亡魂和分明報應

志心召請亡過某乙靈魂惟願神魂不昧儼若生存今夜今時來臨法會受此黃籙開度功德

歌迴黃章

太微迴黃旗 無英命靈幡 攝召長夜府 開度受生魂 不可思議功德

師行持平讀曰

三官北鄴 明檢鬼營 不得容隱 金馬驛程 普告無窮 萬神咸聽 三界五帝 列言上清

師焚治病功曹符

召五神混合符呪曰

焚香上啓 青帝護魂君白帝侍魄君赤帝養炁君黑帝

通血君黃帝中主君天醫大聖六職治官尚  
藥仙靈二官神吏生形博士治病功曹收毒  
將軍執藥靈官砭石小吏扁鵲官史仙藥童  
子拘魂制魄生化大將軍一切靈司並請慈  
悲降臨壇所奉為見前受度眾魂攝降真炁  
醫治病苦返生魂魄整具形神一如太上律

令

師行五府事 然誦五帝  
真神行持

法師祝曰

吾奉齋為齋主某 正薦亡親某人  
晉薦在會眾魂 開建

无上黃錄大齋今故召攝齋主合家所薦亡  
魂暨九祖七玄父母妻子若兄弟若姊妹若  
姪孫近屬旁親內宗外戚凡名眷屬以及姻  
蘿負命負財負債宿德生前殺後一切冤讎  
俱屆道場普受開度我以道力能令汝等惟  
喜自在來赴道場汝宜靜念在心勿生恐怖  
我此齋法名曰平等若不除三毒尚蔽六情  
人我冤親妄生分別則於平等無有是處應  
以男子身來者分列于左應以女子身來者  
分列於右各相攜牽隨播而來入浴更衣朝

壇聽法清眾虔誠隱語迎導

靈書引亡魂至沐浴所一人以楊柳枝停

水沿路洒穢

沐浴亡靈儀 先於浴室內嚴潔排辦香  
水浴室二所浴具所需之  
物一一備足仍以乾淨木桶貯淨水置  
在大道前法師引道眾詣於香案前上

香通眾休  
班序立

法師啟白請水

具法位臣某焚香上啟

三寶師尊十方大聖五老上帝三十二天帝

君日月五星君東井星君黃蘇合會應感威

靈臣聞死魂受錄開明必假於真筮穢炁紛

詭蕩滌須資於法水將期濟度合具奏陳臣

今奉為齋主某崇建无上黃錄大齋 正薦亡  
親某人

晉薦在會眾魂 謹遵科式召集靈儀先與蕩滌形神

然後恭朝壇陞穢雪罪垢起證生方願賜慈

悲俯垂開度降流真炁昭錫天光普令受度

之眾魂俱沐重玄之睿澤臣無任虔禱之至

次以杓攪水自月庭起大衆同聲誦隱語

隨聲攪三十二轉畢

師回向

總總道德尊 功行已圓齊 降身來接引

師寶自相薦 慈悲惠法水 用以洗惡迷

永度三塗岸 長辭五濁泥

即將向來請水無量殊因並用蕩滌亡過某

靈一切罪根普令清淨為如上緣念

大聖元始天尊太上天坦君太上老君十方

救苦天尊不可思議功德

天河灌沐天尊 引至浴室分所請水  
香湯相雜令  
溫和得所

當職道士行科

三塗熱惱憑法澤以清涼五果牽纏仗靈津

而澡雪故我天尊哀愍大道慈仁滂澆眾生

濟度諸苦啓熏修之妙典垂灌鍊之明科俾

沐浴於華池獲道還於道岸然後形神俱妙

福慶自生奉請亡靈虔誠就浴

舉東井頌 衆和

法師存五色雲炁滿室三十二天日

月五星之炁交錯水中

天河灌東井 石景水母精 圓光拂靈曜

玄暉瑩高明 元始披重夜 天人逐月生

沐浴蘭池上 龍負長庚瓶 金童洒香花  
 玉女流五星 冠帶濯玉津 鍊度五仙形  
 體香萬神降 乘景登高清  
 長夜光明雖自靈符之度苦善功充滿猶皆  
 香水以鍊精庶茲五蘊之形軀獲奉重玄之  
 教戒請法衆等各運清淨心奉為亡靈誦三  
 元品誠沐浴蕩穢呪  
 天氣澄清 五色高明 日月吐輝 濯鍊身形  
 神津內盥 香湯鍊精 光景洞耀 煥映上清  
 悉不受塵 五府納靈 罪滅三塗 禍消九冥  
 身受開度 昇入帝庭  
 蕩形鍊質名書紫策之中度命返生字列玉  
 清之上欲使魂神之澄正當今罪垢之消除  
 請法衆等各運利益心奉為亡靈誦九真沐  
 浴鍊真呪  
 太上高真 九靈之精 使魂飛仙 上登紫庭  
 沐浴華池 神身澄清 精通太虛 萬炁自生  
 啓東極之尊普度生而濟死敬丹華之水悉  
 除穢以蕩陰庶永奉於正真克常行於清靜  
 請法衆等各運廣大心奉為亡靈誦沐浴丹

陽鍊度大呪

龍漢蕩蕩 無形無名 渺渺惚劫 皇道開清  
 神燈朗耀 九魂吐精 玉虛澄輝 太霞高明  
 元始開化 諸天齊靈 三元導養 二象攝生  
 已度者度 未成者成 已死即化 已枯即榮  
 蠢動蟄飛 一切冥靈 懷胎含孕 咸得受生  
 亡靈過命 魂歸三清 魄受鍊度 南宮變形  
 今日大吉 皆得光明 五帝鑒映 普宮萬靈  
 天地神祇 及諸河源 五嶽四瀆 及諸名山  
 洞玄洞虛 洞空洞仙 無極大聖 至真尊神  
 無極無窮 普監度生 地根斷絕 玄都記名  
 衆神並映 一切咸聽  
 九清玉座 上帝之恩 光三洞 金書演慈尊  
 之法語 夫豈塵凡之可望 類非穢濁之得聞  
 既潔身形 必嚴服飾 請法衆等各運莊嚴心  
 奉為亡靈誦三元品誠冠帶呪  
 五濁已清 八景已明 今日受鍊 罪滅福生  
 長與五帝 齊真上靈  
 焚朝真衣等  
 五宮六府內疏淪於群迷九竅百散外滌除

於諸垢斯可詣壇聽法謝罪除愆受藥戒以  
 絕惡根度威光而識宿命拔出地上生天  
 堂奉為亡靈皈依以俟

法事引靈歸位

呪食儀先於靈位前設飲食  
淨水香花供養如儀

上香宣白

金飯玉漿餅之者陟九清之境爰禁火菓食  
 之者離五夜之鄉非道力之收資豈法橋之  
 可度亡過亦靈奄隨逝水俄歷流光將達開  
 泰之期虔備潔馨之薦敬憑淨侶式按冲科  
 宣寶揭以加持演靈章而受記伏願魂神不  
 昧儼若生存享此齋功克成妙道

十方救苦天尊

結五嶽印祝白

奉為亡靈上寶往生天界念玉清慧命啟請  
 呪

稽首冥慧虛無尊稽首歸命重玄主裁成天  
 地無德稱素為衆生作恃怙慈濟五道轉輪  
 魂哀救三魂地獄苦皈命金闕天中尊皈命  
 六度慈悲父皈命玉清無上真以離生死長

綿綿出有入虛無所待能令枯朽變成仙千劫萬劫難一遇為衆廣說素因緣迴骸起死永長存使共形神無礙出五情經

太一救苦天尊衆和三聲後相同

切聞鄴都幽遠地獄昏冥亡魂欲假於鷹揚寶傷宜先於讚誄今有淨鄴都破地獄法言即當誦誦

即當誦誦

奉為亡靈上資往生天界念淨鄴都破地獄

呪

茫茫鄴都中重重金剛山靈寶無量光洞照

炎地煩七祖諸幽魂身隨香雲審定慧青蓮

花上生神永安

九幽拔罪天尊

既已地獄門開鄴都靈對隨所託化出離幽

陰今有玉清梵唱生魂育魄法言即當誦誄

奉為亡靈上資往生天界念玉清雲宮梵唱

生魂育魄呪

靈芝無根衆化之原中凝七魄上結三魂二

十四真出入無門杳冥之中恍惚元精隨劫

存亡逐羣而生外凝混樸內養七經五神植

華三台數榮紫闕素童送形歸嬰騰雲而升

騁霧淨空中有玉真號曰神公左執無英右

衛白元玄默運後丹禽擁前上浮翠蓋下湧

金蓮香雲凝空甘露無窮用之無盡尋源不

朱陵度命天尊

此者魂魄既生必超天路鍊度形質浣濯神

儀來赴法筵受茲供養尚慮喉頰未通有諸

障礙今有甘露通真法言即當誦誄

奉為亡靈上資往生天界念甘露通真法食

呪

功德金色光微微開幽闕華池流真香蓮蓋

隨雲浮千靈重元和常居十二樓息宣靈寶

旨自在天堂遊

天尊言此神呪若亡人又拘地獄未遂超生

如聞此呪即得喉頰開通無有障礙自然快

樂飲食甘香生回向心絕煩惱業

道通快樂天尊

元始開闢真經演教流恩有截曾度無窮以

能廣潤衆生故名甘露以能破除業障故曰

法言今詣靈筵受常法食越光照燭患露常

濡孔竅既已開聰神識自當明了超離五苦

促陟九清再仗真筌永充濟拔今有玉清三

光無上法言即當誦誄

奉為亡靈上資往生天界念玉清甘露法食

呪

稽首仰圓羅合景揖靈芒拘魂制七魄思審

定中央行住禮虛無寢息宴玄房飢食黃藥

花渴飲瓊根漿神旌命大魔合體鍊真光復

照觀太無恒在空中遊圓通泯波濟真化靡

中期宵眇無終始行者當明知寂默忘理教

應運開宏規降道不自昭要當先所施會歸

無二處隨心自合難出五情經不可思議功德和聲

奉為亡靈上資往生天界念三光法然法食

呪以下四呪出導引三光九變經

浩晶生法炁氤氳旋玄中兩曜共澄徹五緯

交相通三光煥已明寶氣盈三宮帝鄉會九

老咽服百骸豐金華照光景身與日月同念

道上聖前萬劫壽無窮

奉為亡靈上資往生天界念三光流精法食

妙道分一炁炁中分陰陽變化日月星燦然

流三光九華合九道八色怡八方煥爛洞真

體流精歸太炁下生淵泉宮上列無何鄉縱

體復飛躡忽然都相忘七寶流精潔混沈雜

華芒咽服九雲散此樂殊未央

奉為亡靈上資往生天界念三光澤嬰法食

玄絕九炁中澤嬰生太無鬱儀煥暢谷結璘

曜天衢五星流寶光丰極回乾樞飛烈鬱勃

微咽御方踟躕起跡天寶階鍊芝服華敷悉

布萬神備舉形升太虛

奉為亡靈上資往生天界念九幽往生呪

寒庭多悲苦回心禮元皇女青靈寶符中山  
其帝當一念昇太清照誦觀太無功歸九幽  
下旋旋生紫虛

隨願往生天尊  
奉為亡靈上資往生天界念離苦升天呪

功德不思議行者生福報施與法飲食永生  
安樂道

弘濟無邊天尊  
向來宣演靈章加持法食乃玉清秘旨甘露

法言奉為亡靈追修淨界以茲善利遍悉榮

嚴伏願名記丹臺罪消黑籍永罷三途之對

徑登九老之鄉咽浩炁於元房飲瓊漿於丹

宅慶流門闔福蔭宗枝上極光明下窮幽昧

同臻眾妙共證無為稽首皈依無極大道

回向 念善  
右世科有種種名香六種珍果七種寶漿  
五種寶花四種香飯雖本玉清經然用之  
無謂徒為美觀夜聚有限今悉剛去

无上黃籙大齋立成儀卷之二十六

无上黃籙大齋立成儀卷之二十七 竹七

太上執法仙士蒞叔典修

科儀門  
鍊度亡靈請降水火醮獻儀先以一方  
西北以辟書云南宮太陰水鍊池又以  
一圓張安壇之東南以辟書云南宮太

陽火鍊池張備黃華神水一器柳木炭  
火於壇下至鍊度時鋪設無菓三十六  
分位或二十四分位整齊如法記道  
衆引法師齊官序立消齋官上香

蕩穢 燒香頌  
法師上香 祝香 啓白

具法位 臣某上啓  
妙無上帝自然元始天尊妙有大帝虛皇玉

宸大道君至真大帝萬變混沌玄元老君紫

微中天北極大帝太微南極長生大帝太一

救苦天尊丹天朱陵大帝九天自然生神上

帝五靈五老上帝三十二天帝君東華木公

青童道君西靈金母元君度人不死尊神道

君南昌上官長生大帝度世司馬大神好生

韓君丈人南上司命司錄延壽益算度厄上  
生真君迴骸起死監生大神度命成仙真君  
靈寶五師君三官大帝君南極九華真人五